

El Brenta

El nase là sù in alto, dal buso dea montagna,
e pin pianeto el cresce, fin sol ponte de Vastagna.

El core in meso ai sassi, coà so acqua trasparente,
e tuto el porta via, co a forza dea corente.

E po' el continua a corare, fin sol ponte de Bassan,
dove i morosi o varda tegnendose par man.

Pi vanti verso Nove, el so leto se fa largo,
el pare indormesà, e chel sia ndà in letargo.

E col riva a Fontaniva, mesa strada ormai el gà fato,
el coree l se rabalta, e po' el salta come on mato.

Tanti ponti ancora i o speta, par vederlo traversare,
co la seca o co la piena, quea se a strada pa rivare.

Ghe xe a Limena na diga, là el se ferma na sciantina,
ma el scavalca co a so forza, dopo l'acqua xe pi fina.

Tuti sa che la so corsa, gà da sempre continuare,
sia de giorno che de note, no el se poe mai fermare.

Ma col riva a Brondolo, el comisia a ralentare,
la so acqua densa e scura la se mescola col mare.

Dentro al mare là el se perde, el finise la so corsa,
ma in montagna in meso ai sassi el ciapa ancora la rincorsa.

Bozzetto Morise